

الرشاد

س ۱ ۰ ۳ ۱

والله يهدي من يشاء الى صراط مستقيم ديني ، علمي ، ادبي ، سياسي هفته لقي مجموعة اسلاميه در اتبعون اهدكم سبيل الرشاد

صاحب و مدير مسئول : ح . اشرف اديب

عدد ۴۵ — ۲۲۷ صفر ۸ ۱۳۳۱ پنجشنبه ۳ كانون ثاني ۱۳۲۸ جلد ۲ — ۹

وضع ایتمکدن بشقه بر اجتهاد کده قلمدی . چونکه : « ولولادفع الله » آیت کریمه سی حضرت « داود » ک « جاوت » ه قارشى اولان محاربه ، و « داود » ک « جاوت » ه قارشى منصور ومظفر اولمسی سیاقنده نازل اولدی . نصل که کنديلرینه محاربه آچانلره قارشى نفسلرینی مدافعه ایتک ایچون مسلمانلرک جهاد ایله مآذون اولملری حقنده ده « ولولا دفع الله الناس بعضهم ببعض لهدمت صوامع وبيع وصلوات ومساجد یذکر فیها اسم الله کثیراً » آیت کریمه سی نازل اولمشدی . بوراده سببک خصوصنی براقوبده عموم لفظی اعتبار ایتکده دوغری دکلدیر . زیرا اسرار حروف مسئله سی بولندیغمز حدک خارچنده در ؛ شو حالده بوکا بروجه تحیح ارامق لازمکیرسه اوده « امت » ک عقولنی ، اخلاقی ، اعمالنی افساد ایدن بوکی اعتقادات خرافیه یی نیم کیلرک دفع ایدوب آتمه سیدر .

بزینه موضوعه دونلم . بواسرار ، حروف عربیه یه مخصوص دیمک ، اسرارک حروف عربیه ایچون معروف اولان اشکال مخصوصه ایچنده محصور اولمسی اقتضایدر ؛ حال بوکه حروف عربیه الآن یک مختلفدر : چونکه شرقده بولنان عربلرک ، ترکلرک ، عجملرک یازیسی ، غربده کیلرک یازیسنه مغایردر ؛ بوعصرده بولنان اهلینک یازیلری ایله صحابه ، تابعین زماننده متداول اولان خط کوفی آره سنده ایسه اشکال اعتباریله هیچده مشابهت یوقدر .

شو بدع و خرافاتک ملت اسلامیه ده نصل ظهور ایتدیکنی بیلنلر ، اشکال حروفه مخصوص اسرار اولدیغنی ادعا ایدنلره تعجب ایتزلر . اگر تاریخه مطلع اولسه یذک عرفای امته کوره بدیه یاتدن اولان شو حقایقه قارشى اطاله کلام ایتکه نی بر اقا زدک .

بومثلای بدع و خرافات ، باطنیه طائفه سنک فتن و فسادنددر ؛ باطنیه طائفه سی ایسه ملت اسلامیه آره سنه فتن و فساد تخمی ا کن فرق ضالنه نک اک شدتایلرنددر . حتی اونلرک ا ککش اولدیغنی فساد تخمی یوزندن تحذرت ایدن بلای عظیم بوکونه قدر نشو و نما بولمقده بردوامدر . بونلرک اک صوللری ده (بابیه) ، (بهائییه) فرقه لیدر . بونلرک بدعتلری ده دیکرلری کی متشابهاته ، بلکه ده غلات متصوفه ایله باطنیه بیننده اولان اشتباهه قارشى تصوفی ایلری کتورمک ، کیسوه تصوفه بورونمکه رواج بولمشدر . ایشته بواسرار ، صلاحی امته ؛ یاخود اونلردن مآذون اولنلره مخصوصدر دیدیکده بودر .

اونلرک صاحبش اولدیغنی بدع و خرافات تخمندن اصابت ایدن سربندیلر مسلمانلر آره سنده یابه جنی قدر افساداتی یادی . بالذات باطنیلره کلنجه : اونلرک عنندنه حروف ، حرفک اشکالی ، عددلری ، یکدیگرینه تناسبلری ، تحالفلری ، طبیعتلری - صوفیه مذهبیه سلوک ایدن جهله مسلمانلرک ظن ایتدکری کی - « دین » ک یالکیز اسرار کمالیه سنندن معدود دکل ، بلکه بونلر « دین » ک اصولندن ، قواعد اساسیه سنندن ؛ حتی بوقواعد و اساس اوزرینه اولان کلاملرینی بیله - (اسماعیلییه) فرقه سنک رئیسى اولان (حسن صباح) ایله دیکرلرینک

یادینی کی - علم نجوم ، علم حساب ایله مزج ایتدیلر . هم بن طوائف باطنیه ده دائر عرب تاریخلرنده تصادف ایتدیکم اخبار و روایات ایله اکتفا ایتکده ایستمدم . بلکه بوندن بشقه اوروپا مورخلرینک کشف ایدوب میدان قوی دقلری شیلرک بر چوقلرینه ده واقف اولدیغ کی (دورزی ، نصیرییه) طائفه سنه مخصوص اوله رق یازیلان بعض کتابلرده واقف اولدیغ شیلری ده بوبابده کی تدقیقآمه زیاده ایتدم . (دورزی ، نصیرییه) مذهبیه عائد اولق اوزره یازیلان بوکتابلر عادتاً قوقولری محافظه ایتک ایچون یازیلان حققر ، قیمتی اشیا کیزلیه جک صندقلر کیدر ؛ اونلره کوره بوکتابلری رؤسای « دین » دن بشقه هیچ برکیسه نه طبع ایده بیلیر ، نه ایچنده یازیلی اولان شیلره مطلع اولای بیلیر .

مقلد : - رجا ایدهرم ؛ شو کیزلی کتابلردن بعض شیلره نی ده مطلع قیل ، کوستر .

محقق : - بوکتابلری عاریت ویرمک کی بر سماحتی هیچ برکیسه یه قارشى ابراز ایدهرم ؛ فقط سوبلدیکم سوزلرک صحتنه دائر سند یقین حاصل ایتک ایچون اوکتابلردن سکا برقاچ جمله اوقورم . محققک اوقودینی جمله لر کلجک هفته یه قالدی

اجتماعی

اک مدهش مرض اجتماعی :

مسکرات ، لعبیات

« ... انما الخمر والمیسر ... رجس من عمل الشیطان فاجتنبوه لعنکم تفلحون . - قرآن حکیم .. » راقی ، شراب ایچمک ، قمار اوینامق ! .. آنجق اعمال شیطانیه دن برطاقم مردار شیلردر ؛ بناء علیه فوز وفلاحه ، سعادت وسلامته ایرمک ایسترسه کز شیطانک تسویل و تزیینی ایله حصوله کلش اولان بومستکره شیلردر وازکیکیز ؛ بوکی دنائت اخلاق ایله متصف اولدقجه سزک ایچون چاره نجات یوقدر .

قانون فطری اولان قرآن کریمک بتون اوامر ونواهیسی تدقیق ایدیله جک اولورسه اونلرک نه قدر بیوک حکمتلری احتوا ایتدیکی اکلا شیلیر . قرآن ، بیک اوچوز سنه اول خمری ، قمار اوینامی ودها بونلره مماثل هیئت اجتماعیه نک حیاتی تهید ایدن بر چوق شیلری نهی ایتش ، فوز وفلاحک بونلری ترک ایتکده اولدیغنی یک شدتلی بر صورتده بیان ایتمشدر .

حقیقه انسان برآز عقلنی باشنه آلوبده دوشونه جک اولورسه شواکی علی - مسکرات ، لعبیات - امراض اجتماعیه نک اک مهلک لری صیراسنده کورییور . چونکه قمار ، نیجه بغض و عداوتلر ایقاع ، نه قدر آدملر ، ثروتلر تلف ایتش ، نه قدر خائمانلر سوندیرمشدر . عالمده نیجه بیک مفاسد و شرور تولید ایدن ام الحباثت - مسکرات - ده

نه قدر آلام و امراضه سبب اولمش ، نه قدر جانلره قیمش ، نه قدر عائله لری محو و پریشان ایلش ، نیجه ایتم و ارامل بر اقلش ، نیجه انسانلری بری برینک جاننه قصد ایتدیروب سوزشلی فجیه لره بادی اولمشدر . بونکچون جناب منزل القرآن ، قمار ایله خمرک غایت فنا اولدیغنی بیلدیردکن صوکره امید وار فلاح و نجات اولق اوزره انلردن تحاشی و محاببت ایدلمسنی شدتله امر ایدیور .

وا اسفا که کیجه و کوندوز نه ولرند ، آلرند بولنان کتاب عزیز ، بو اوامر و نواهی بی مسلمانلره دائماتلقین ایدوب طورورکن ؛ بومزن ، مهلك علتله هزملدن زیاده مسلمانلرک مبتلا اولدیغنی کوریور . امین خاکی نک کیفکه باق سرلوحه سیله یازمش اولدیغنی منظومه ده استانبولده بولنان خاقلک حالت روحیه سنی پک آچیق برطرزده تصویر ایدیور . نه قدر دوغری ؛ فقط بومرض یالکز بوراده کیله مخصوص دکل ؛ بو اوایله مدهش برمرضدرکه ؛ هر طرفده کی مسلمانلره سرایت ایتش ، هیچ بریسی ده بو مرضدن تخلص کریبانه موفق اولامیورلر .

اوت ، بومرض یالکز عثمانلی مسلمانلرنده دکل ؛ بوکون اجنبی بیوندورینی آلتنده ایگیل ، ایگیل ایگیلین مسلمانلرده بوخالده . بوسنه «سیدالرشاد» نامه بولغارستان قصبه لرند طولا شیرکن مسلمانلر ایله بولغارلرک حالی تدقیق ایدیوردم . کوریوردم که بولغارلر منافع مایه و وطنیه سی اوغورنده کیجه و کوندوز آله بیلدکلرینه چالشیورلر ؛ مسلمانلرده اقشامه ، صباحه قدر تنبلخانه اولان قهوه لرده لعیبات یله وقت کچیریورلر . اوراچه حال وتی یرنده اولوب فقط اسمنی تصریح ایتک ایسته مدیکم برمسلمانک برکیجه ده قار یولنه بر بلغارک آله اوچیوز لیرا تقدیم ایدرک قهوه دن چیقوب کتیکنی سویلرسم پک ده تعجب ایتیک !

دهای وار ؛ برکویلی عموچه برمرکه اوزوم کلته رک بازاره کتیریور ، اوراده برقاج غروش مقابلنده اونی صاتیور ؛ پک اعلا دکل ؛ اوت ، چونکه تجارت ... فقط اورادن الدینی بش اون غروش پاره بی نزمیه صرف ایدیور ؟ صیرتنه ، باشنه برالبسمی آلیور ؛ یوقسه هر نه صورتله اولورسه اولسون لوازم بیتیه سندن برنقصانی اکالهمی صرف ایدیور ؟ خایر ، خایر ! بونلرک هیچ بریسنه دکل . اونک صرف ایده جکی بر معلوم ؛ «کوچکار» ... اوت ، بتون ناموس وعصمتی بش اون غروشه صتوب قهوه لرده علی ملام الناس اوینایان بلغار فاحشه لرینه ... کوندوزدن اوزوم ، یاخود قارپوز صاتیلیر . اقشام اولدیمی آرقداشنه هایدی بقالم ! نزمیه ... ؟ کوچکار ... پاره وارمی ؟ اولمازمی ... بوکون بریوک اوزوم صاندم . بنده بریسنه برمرکب یوکی الما ویردم . هایدی .. اوایله ایسه برکیف یاهلم ! دیهرک بوصورتله برسورو کویلی طویلانوب کیدرلر ؛ کوندوز آلدینی بش غروشی اقشام بولغار قیزلرینک ملوث ناصیه سنه یایشیدرلر .

هیچ خاطرمدن چیقماور ؛ بیرام اقشامی ایدی ؛ لوقطه یه کیدوب

افطار ایتدکن صوکره هوتل متره بولک - فلبه ده اقامت ایتدیکم یر - اوکنده برقاج دقیقه قدر توقف ایدوب کانی ، کچی سیرایتدم . هوتل ایله قارشی قارشی به برده قهوه - کوچکارخانه - وار . کیجه زری طیشاریده کیلر کورمسون دیه پنجره سنه پرده چکیورلر ، ایچنده بلغار فاحشه لری اوینایور . بواج دقیقه ظرفنده کوچکاره کیرن قوجه کولاهلی ، بیاض صقاللی مسلمانلرک عددی اوتوز بشه بالغ اولدی ؛ بونلر برطرفدن کوچکاره آقین ایدیورلرکن دیگر طرفدن بلغارلر بونلر ایله استهزا ایدیورلر ؛ «یارین باریام در ، باریامک شرفه تورکار باده نوش اوله جقلر» دیورلردی . بن بونلری کوردکجه کندی کندیچه حیرت ایدیور ، و «ان الله لا یغیر ما بقوم حتی یغیروا ما بانفسهم ...» آیت کریمه سنی خاطرلابوردم .

فقط بیلیم .. بلغارلر چتالجه یه کلدیکی حالده حالا استانبول قهوه لرند لعیبات ایله اشتغال ایدنلره نسبتله اونلرک یایدی ده اهورندر ، دیرمسکیز ؟ ظن ایتیم ؛ چونکه اونلر بالذات اسارت زنجیرینک آلتنده بولنیورلر .. یا ، بلغارلر چتالجه یه کلدیکی زمان ؛ دکل طوب سسی ، حتی بلغارلرک کندی سسلری بیله ایشیدیلجک درجه یقین اولان خادم کوبنده ؛ «ویرطاولانی ، قالدیر اسقانیل کاغذینی» دیهن ارباب ایمانی (۱) داره یامی چیقاره جقر ؟

زوالیلر ، مشروبات روحیه نک تأثیریه هر شیئی اونوتمشلرده کنیدلرینی ، صوفیه ، فلبه ، وارنه اوکارنده ظن ایدرک . «کیفکه باق !» هواسنی سویلیوب کیدیورلر .

وحدانیت الهیه اولان اعتقاد کی اعتقاد ایدیورم که ؛ مسلمانلری استیلا ایدن بومزن مرضلرک عاجلاً تداویسی چاره سنه کیدلرزه پک یقین برآتی ده موجودیتیز خریطه عالمدن ابدیاً سیلنوب کیده جکدر ؛ هم بونده هیچ شبهه ایدلمه ملیدر .

چونکه تاریخک شهادتیه ثابتدرکه مسکنته ، عسالتیه محکوم ، فساد اخلاقه مبتلی اولان اقوامک قوت وسلطنتلری زائل ، هیئت مجتمعه لری محو ومضمحل اولمشدر . شان وشوکتک برقومک صحیفه موجودیتدن طی ایدلمسی انجق فضائل اخلاقیه رعایت ایدلمه مسندن نشأت ایدر . فضائل اخلاقیه هر بع سعادت و اقبالک قوه موجوده سیدر ؛ انکله رفاه و آسایش تجلی ایدر ، انکله وفاق واتحاد ظهور ایلر . فساد اخلاق ایسه ؛ ده ایلک هجومده افراد جمعیت بیننده کی رابطه حب وموالاتی فک ایدم جکندن مبتلا لری کندی سلاخلریله اعدام ایلر . برملتک اخلاق بوزولنجه اعتقاد بوزولنی ده اونی تعقیب ایدر ؛ فساد اعتقاد ایسه موجب فلاکت دارین اولور .

اخلاق ایله در صلاح عالم ، اخلاق ایله قائم نظام عالم

آقسه کیلی

احمد حمیدی